

## O NADAL



Tamén en Salceda se suceden as celebracións festivas en torno ás datas do Nadal. Significativa é a Cabalgata dos Reis Magos que se celebra na tarde do 5 de xaneiro polas rúas da Esfarrapada. As asociacións do municipio son as encargadas da elaboración das carrozas. O desfile acostuma encher as rúas da vila de centos de pequenos que non se perden a oportunidade de ver tan de cerca ás súas maxestades.

Pero se por algo é singular o Nadal en Salceda é polo denominado "Rancho de Reis", unha tradición que se remonta a tempos inmemoriais e que no ano 2003 recuperou a Asociación Cultural O Serán. O rancho de Salceda compõe de dous danzantes e unha dama, esta última unha nena de non máis de 10 anos. Durante a danza os dous galáns intentan conquistar á dama, competindo por ver quem é o mellor bailarín. A dama é a encargada de resolver a loita, obsequiando ao gañador coa honra de bailar con ela unha ribeirana. Toda a danza faixe ao son de unha gaita e unha caixa. Os traxes dos tres compoñentes son roupas de cores moi vistosas, destacando a dama por levar grande cantidade de xoias de ouro que antigamente prestaban as casas en mellor situación económica servindo tamén de escaparate das súas posesións. O rancho preséntase na mañá do 6 de xaneiro, á saída da Misa de Reis na que tamén participan.

## O ENTROIDO



En Salceda celébrase un dos Entroidos más antigos de toda Galiza, que ven enfrentando tradicionalmente aos barrios de A Feira e Castro Barreiro, separados polo regato de Ameixoa. Trátase de dous pequenos barrios (que pertencen á mesma parroquia), que son quen de organizar sendas verbenas o luns e o martes, en torreiros apenas separados por uns poucos metros, competindo por ter as mellores orquestras, a iluminación más vistosa, o son más potente... O martes de entroido, festivo local en Salceda, as carrozas e as comparsas destes dous barrios vense as caras no centro da vila, depois de meses de duro traballo no máis absoluto dos segredos, durante os cales funciona o servizo de espionaxe para obter datos das temáticas e contidos do barrio rival. Todo é rivalidade: os traxes, a música, as coreografías, as carrozas, a potencia do son...

O de Salceda é un dos entroidos más singulares e multitudinarios da provincia, que se completa cada ano coa programación municipal, na que destaca o desfile de carrozas e comparsas que se organiza na tarde do domingo, e que acolle a centos de participantes que amosan o seu traballo ante milleiros de persoas polas rúas da Esfarrapada.

## PRINCIPAIS FESTAS PARROQUIAIS

### SANTA MARÍA DE SALCEDA

Festas do Cristo.....3º domingo de xullo  
Festas da Concepción.....1º domingo de agosto  
Festa da Concepción.....8 de decembro  
San Bieito.....21 de marzo e 11 de xullo

### PICOÑA

Festas da Virxe da O.....1º domingo de xullo  
Festa de San Martiño.....11 de novembro  
Romaría de San Cibrán...último domingo de maio  
Romaría de San Cibrán...3º domingo de setembro

### SAN XURXO

Festas de Santa Bárbara.....3º domingo de xuño  
Festa de San Xurxo.....23 de abril  
Festa de Santa Bárbara.....4 de decembro

### PARDERRUBIAS

Festa de San Mauro.....15 de xaneiro  
Festas da Virxe das Dores....3º domingo de maio

### ENTENZA

Festas de San Brais.....3 de febreiro  
Festas de Santos Xusto e Pastor.....6 de agosto  
Festas da Ascensión.....40 días despois do domingo de Pascua

### SOUTELO

Festas de San Liborio.....último domingo de xuño

### BUDIÑO

Festas do Libramento.....3º domingo de setembro

## SALCEDA EN FESTAS

s o m o s  
s a l c e d a

## O CRISTO



O 3º domingo de xullo o Concello de Salceda de Caselas ven organizando dende tempos remotos as Festas na honra do Cristo das Angurias. Despois de dúas semanas de programación cultural diaria, as festas arrincan o sábado ás 22:00 dende o balcón da Casa da Cultura Alfonso Daniel Rodríguez Castelao, co lanzamento do estourazo que se ven producindo dende o ano 2010. Asociacións ou persoas de Salceda que se atopen nun momento destacado da súa traxectoria son as encargadas do lanzamento. O domingo, dia principal das festas, organizase pola mañá o acto cívico de recoñecemento a salcedenses distinguidos, co que se lle realiza unha pequena homenaxe a aqueles ou aquellas salcedenses que, sen destacar por grandes fazañas, teñen unha historia ás súas costas merecedora dese recoñecemento. O acto empezou a realizarse no ano 2012 coa homenaxe ás tres salcedenses centenarias dese momento. A programación complétase con tres días de verbena (sábado, domingo e luns), así como cos concertos que tradicionalmente ven ofrecendo a Banda Cultural de Salceda na mañá e na tarde do domingo. O luns do Cristo é festivo local en Salceda de Caselas.

## OS CALLOS



Esta festa gastronómica celébrase na Praza do Concello o 1º domingo de setembro, congregando cada ano a máis de 20.000 persoas que se achegan de toda a xeografía galega e portuguesa para degustar este saboroso prato así como para disfrutar da programación cultural complementaria e dun día de descanso en terras salcedenses. Dende o ano 2007, na noite do sábado vense celebrando un serán popular, producindo a curiosa estampa da xente que participa neste serán xa sexa cantando, tocando, bailando ou simplemente como público, e que coincide co persoal que traballa durante a noite para preparar os callos, e que o fan na mesma Praza do Concello onde se está a celebrar o serán. O voluntariado resulta fundamental para o desenrollo da festa, contando cada ano con máis de 50 persoas para cubrir as diferentes tarefas: despacho de callos, pan e viño, venta de tiquets, limpeza... Cada ano un persoaxe recoñecido é o encargado de leer o pregón ás 12:00 dende a entrada da Casa do Concello. Actores, actrices, músicos, futbolistas, locutores de radio e moitos outros teñen pasado xa por este posto. A Festa dos Callos comenzou a celebrarse no ano 1993, sen interrupción dende entón.